

後漢書疏證

後漢書疏證卷一

吳 沈欽韓撰

列傳

齊武王 自稱柱天都部

按李寶爲柱天將軍李通亦號柱國大將軍後魏爾朱榮遂踵其名爲天柱大將軍宇文泰因設八柱國後代遂爲勳官蓋伯升超於楚地楚有柱國官取其義爾都部猶都統宋將兵者因號都部署

留輜重於藍鄉

明史志鄧州新野縣東有故藍鄉

南渡黃澗水

水經注赭水參差流結兩湖有東陂西陂之名二湖流注合爲黃水逕棘陽縣之黃澗聚又謂之黃澗水一統志赭水自裕州西南流經唐縣西爲黃水

臨泚水

按南陽郡比陽縣應劭曰比水所出縣從水得名則泚當爲泚作泚者誤

東海王彊女泚陽公主書中亦皆誤作泚

呂覽處方篇齊

令章子將與荆人夾泚水而軍泚亦訛泚卽此水也明

統志比水源出南陽唐縣大胡山

山在泌陽縣境東北七十里

一名

馬仁陂乃聚澤也澗田萬頃

按水經注比水右會馬仁陂水水出滎陰縣北山則

水非馬
仁陂

一統志泚水亦名泌水源出泌陽縣東六十里
之銅山西南流逕縣南又逕唐縣西北曰唐河又經新
野縣東入清水按明志大壺山泚水所出銅山泌水出
焉其說異者考水道提綱泌河有兩源南源出泌陽東
與確山縣西界之銅山西流數十里北源出縣東北之
大胡山西流泌陽縣城南志家偏舉其一故有大胡山
銅山之異其流則一也

至宜秋

明志古宜秋聚在南陽府桐柏縣西一統志在唐縣東
南

書伯升像於塾旦起射之

按塾鄉亭所治處也吏民投最故畫其象使人人得射之食貨志里胥坐右塾隣長坐左塾周官里宰疏漢時在街置室檢彈一里之民卽此塾也他書作埠者非

爲天下準的

文子上德篇質的張而矢射集

張印拔劍擊地

東觀記馬武王匡以爲王莽未滅不如且稱王張印拔劍擊地曰稱天公尙可稱天子何爲不可於是諸將軍

起

試守平陰令

潛夫論三式篇列侯年世以來宜皆試補長史墨綬以

上關內侯補黃綬唐會要郡王出關皆補州別駕玄宗

淄郡王官若嗣王初試官府參軍冊府元龜六十貞元

淄州別駕王初試官府參軍冊府元龜六十貞元王

王試令其濫觴也

利侯剛

通志利城在青州府博興縣東南四十里

太姬宗

西京制諸侯王母皆稱太后東京制損於前則宜稱太

如傳中皆作太姬宋書后妃傳廢帝卽位上陳太妃尊

號曰皇太妃改諸國太妃曰太妃

如音怡

集韻姬或作她

姬盈之切讀作怡者是也北齊書恩倖傳穆提婆母令
萱號曰太姬則南北朝皆有太姬之稱唐宋遂別爲儀
字王建宮詞云太儀前日煖房來李燾續通鑑長編百一
十明道元年十月加贈鎮王元儼母昭媛王氏爲太儀
卽太姬也

徙丹陽

按丹陽有三漢諸侯王以罪廢徙或房陵或丹陽此楚
之丹陽也楚丹陽亦有二一爲熊繹始封之丹陽在秭
歸一爲楚徙都之丹陽在秭江水經注可證

注以爲潤州江寧者非新唐志至德二載別置昇州以江寧縣屬

甫刑三千莫大不孝

呂氏孝行覽商書曰刑三百罪莫重於不孝

北海靖王 字嬭都

袁紀作歸都

幼時進趣之行也

燕策蘇代曰今臣爲進取者仁義者自完之道非進取之術也進趣義同

令作草書尺牘

張懷瓘書斷章草者漢黃門令史游所作也衛恆李誕並云漢初有草法不知其誰王愔云漢元帝時史游作急就章解散隸體兼書之漢俗簡情漸以行之此乃存字之梗概損隸之規矩縱任奔逸赴速急就因草創之義謂之草書北海王睦此開創草書之先也至建初中杜度善草見稱於章帝詔使草書上奏魏文帝亦令劉廣通草書上事蓋因章奏後世謂之章草

注 臨邑縣屬東海

漢志屬東郡此誤舊唐志臨邑縣屬齊州注云濟州亦誤舊志臨邑故城在今濟南府臨邑縣北三十五里

樹鄉侯

一統志廢樹縣在萊州府濰縣東

晉立七年

何焯校宋本作十七年錢大昭補表亦從宋初元年數
至延光二年爲十七年

駒駘自造賦頌書論四篇

文選注引劉駒駘郡太守箴

趙王 趙王十三年降爲趙公

按史于傳失載復爵爲王事光武紀十三年降趙齊魯
三國王爲公十九年進趙齊魯三國公爲王始降王爲

公者方革更始所封王故趙齊魯隨降復皇子從公進
王故並復也

南陽程堅

御覽

四百十一

魏略曰程堅字謀甫南陽人居貧以磨鏡給

養母喪哀號慙下有馬每聞堅哭輒淚出暫輟芻草然
魏略傳其人疑非此程堅也又四百二十五典略曰程
堅仁孝清潔不受人施諸娼與漂更相呼食或不食者
相謂曰汝非程謀甫何爲不食人食

建安十八年徙封博陵王

魏志建安十八年以冀州十郡封曹操爲魏公趙國在

封內故徙封

以爲崇德侯

卽魏志所稱名號侯也裴松之曰今之虛封蓋自此始

城陽王徙封南陽之白水鄉

水經注漢元帝以長沙卑濕割蔡陽之白水上唐二鄉爲舂陵縣靈宇記故城在今隨州棗陽縣東

敬族兄安眾侯劉崇

按王子侯表康侯丹子節侯山拊子繆侯毋妨子釐侯
襄子侯歟子侯崇崇子傲爲族子非族兄

又不得官爲吏

官當作宦

泗水王獻堂谿侯

一統志堂谿城在汝寧府西平縣西北百里

邙侯

一統志邙縣故城在襄陽府宜城縣東北

曲陽侯

一統志曲陽故城在海州西南寰宇記在朐山縣西南

一百十里

更封茂爲穰侯

按記云以茂爲單父侯熊方補表云從單父更封穰侯

當是

宜春侯

一統志宜春故城今袁州府宜春縣治

安成侯賜安成侯

一統志安成故城在汝寧府汝陽縣東南

嵩爲白牛侯

水經注湍水逕穰縣故城北又東過白牛邑南建武中

封劉嵩爲侯國鄧州志今爲白牛店在鄧州東北三十

里

成武侯順成武侯

一統志成武縣在曹州府東南一百里

使擊破六安賊

注六安卽廬州也胡三省曰賢以唐之廬州爲漢之廬江郡可也若漢之六安實在唐之壽州界劉昫地理志漢六安國故城在縣南此爲可據按桓譚傳注亦云六安在壽州安豐縣南而此乖異者良以諸人分撰學有優劣不通加檢勘耳

端氏侯

沁水縣志端氏聚卽三家遷晉君處在縣東四十五里其北三十五里則漢時縣治也

甘里侯

寰宇記故甘城漢爲縣

漢志無

廢城在潁川潁上縣西北

縣志潁水經明時置甘城驛於此章懷注訛潁州爲潁川錢大昭補表遂以續漢志證潁川郡無潁上縣亦愚矣

順陽侯
順陽侯

一統志順陽故城在南陽府浙川縣東

李通
李通字次元

東觀記宛大姓李伯玉從弟軼則通字伯玉也

注
謂驅使小官

按從事如唐大使所辟賓僚判官以下至支使是也驅使官則行僮幹及節度使之別奏僣人是也章懷注混而一之非是隋百官志梁制今僕御史中丞各給威儀十人六典諸司署亭長主守掌倉庫及廳事鋪設皆爲番上下通謂之番官唐中葉授官踰濫故驅使官或假官至四五品然清濁迥除祇備曹司及州府差遣耳如表疏上禮慶等會要三十驅使官有正官許服細葛布紋綾充衫袍驅使官未有正官許粗葛布及官絕等充衫襖銅鐵帶其品服如此

注 李通同母弟申徒臣

東觀記作公孫臣

注半甬佩刀

淮南精神訓注甬鐔也青州謂之鐔有刃也按鐔是金之岐頭者然此云半甬佩刀蓋象之俗謂二尖兩刃刀者是也

備言其計

東觀記諸李遂與南陽府掾史張順等連謀

封固始侯

水經注穎建武二年司空李通又慕叔敖受邑故光武

以嘉之更名固始

捕虜將軍王霸

按捕虜是馬武霸傳爲討虜將軍

西城

一統志西城故城在興安州西北

注 順陽屬南郡

按當云南陽郡

其夏引拜爲大司空

按傳文是六年帝紀通爲大司空在七年五月

素有消疾

按消中非瘠首也素問陰陽別論胃中熱盛津液枯涸

水穀卽消謂之曰消又脈要精微論胃痺風成爲寒熱
痺爲消中金匱要略厥陰之爲病消渴說文酸瘠頭痛
鍼經有厥頭痛眞頭痛卽瘠首也

召陵侯

藝文類聚引東觀記作新市侯一統志召陵故城在許
州府卽城縣東三十五里

注 謝承書安眾侯劉崇

陳景雲曰崇當作寵據前表安眾侯崇居攝元年舉兵
爲王莽所滅建武二年以崇從父弟寵紹封蓋崇死於
莽未篡漢之先安得身佐中興乎此必傳寫之訛按元

豐九域志鄧州南陽縣有安眾鎮方輿紀要安眾城在
南陽府西南二十里

論注 負離次之典

楚策雞次一作離次吳師道曰是時典守者皆離其局
故負其典以逃又歷山作磨山

王常
傳 舞陽人

一統志舞陽故城在南陽府泌陽縣西北紀要云縣北
十里

藍口

一統志藍口聚在荊門州北方輿紀要藍水城在安陸

府西南本編縣之藍口聚宋僞立蓮芍縣西魏改爲藍

水

入萇谿劫略鍾龍閒

寰宇記石龍山在安州應山縣東北二十五里

今德安府應山

縣又三鍾山在隨州隨縣東五十里山有石狀如覆鍾

方輿紀要或曰萇谿亦在隨州北今埋

戰於上唐

水經注小澗水東北逕上唐縣故城南本蔡陽之上唐

縣也方輿紀要唐城在德安府隨州西北八十五里春

秋時唐侯國漢爲上唐鄉晉置潏西縣梁置下澆戍於

此唐分東陽地置唐城縣今爲唐城鎮

封山桑侯

寰宇記亳州蒙城縣唐天寶元年改山桑曰蒙城山桑城在今縣北三十七里今屬潁川府

注 漢官儀曰御史大夫

大夫當云中丞

朝那

一統志朝那故城平涼府西北後魏末移置於今靈臺界而此城廢

徙封石城侯

注以爲沔陽之石城水經注沔水又南逕石城因山爲
固晉太傅羊祜鎮荊州立晉書羊祜吳石城守去襄陽
七百餘里祜以詭計令吳罷守石城以西盡爲晉有則
石城僅始於是時非漢所封也方輿紀要石城在安陸府鍾祥縣西北錢
大昭補表云此石城漢丹陽縣也一統志石城故城在
池州貴池縣西縣志在縣西七十里地名鐵店亦曰蒼
埠潭以東西兩石山夾河如城而名

鄧晨傳注 房子今趙州縣

舊唐志天寶元年改爲臨城一統志房子故城在趙州
高邑縣西南縣志俗呼其地曰倉房村

注 吳房今豫州縣也

舊唐志寶應元年改爲蔡州元和十二年討吳元濟平改吳房爲遂平縣

僕竟辯之

此僕字卽光武自稱辯當作辨說文辨判也徐鉉於力部又添爲辨者非

來歙傳光武祖姑

祖姑上當有從字蓋父之從父姊妹也以下云陛下之外兄知非歸孫之祖姑東觀記皇考女弟子來歙爲征羌侯有明文

白將上隴

東觀記上詔曰桃花水出船盤皆至郁夷陳倉分部而進按船盤當是轉般之訛

五谿先零諸種

一統志五谿聚在鞏昌府隴西縣東

汝南之當鄉縣

按文多一縣字前志無當鄉縣水經注潁水篇征羌縣故召陵縣之安陵鄉安陵亭也歛以征定西羌功故更名征羌也當鄉安陵鄉所傳異耳

麻
傳犯士禁

論衡謂時篇世俗起土興功歲月有所食所食之城必有死者歲則太歲也

經說年未滿十五過惡不在其身

公羊昭二十三年傳尹氏立王子朝休解義同

注 符節今秩百石

按文當云六百石

鄧再傳何欲爲

劉攽謂當云欲何爲按上光武云寧欲仕乎此何欲正對上欲仕語也爲字助辭不如劉所說

樂陽

一統志樂陽故城在真定府獲鹿縣東北後漢省

廣阿

寰宇記趙州昭慶縣本漢廣阿縣明志趙州隆平縣有大陸澤亦曰廣阿隆平縣志廣阿故城在今縣東三十里俗呼舊城村

蒲陽

蒲乃蒲之誤一統志蒲陽山在保定府完縣西北章帝改曲逆曰蒲陰故城在完縣東南

抗威將軍劉均

袁宏記作抗威王

箕關

一統志箕關在懷慶府濟源縣西王屋山南

大陽

一統志大陽故城在解州平陸縣東北十五里大陽渡
在縣南二里

注 今蒲州桑泉縣東南

舊唐志乾元三年改蒲州爲河中府桑泉天寶十三年
改爲臨晉元和志故解城在縣東南十八里

汾陰河

一統志汾陰故城在蒲州府榮河縣北寰宇記黃河自
北九里

絳州河津縣流入榮河縣西南流經臨晉縣西榮河縣志河舊在縣西五里明時漸徙而東正德二年遂至城下去縣僅七十步

夏陽

一統志同州韓城縣東至山西榮河縣界十五里韓城縣志夏陽故城在縣南二十里芝川鎮北其地曰西少梁里

北至桐邑

寰宇記邠州三水縣東北二十五里邠邑原上有郇邑故城卽漢理所按今不改

卷之三十一 三

司徒克也

王應麟曰以司徒比堯必非代言者所敢道

歸至大要

一統志大要故城在慶陽府寧州東南

就穀雲陽

一統志雲陽故城在邠州涇化縣西北

軍士飢餓者皆食棗菜

東觀記無者字菜作葉

吾折捶笞之

過秦論執拊捶以鞭笞天下

岑自敗於東陽遂與秦豐合四年春復寇順陽閒遣禹護復漢將軍鄧睦輔漢將軍于匡擊破岑於鄧追至武當復破之岑奔漢中

按延岑始據漢中降更始復反爲劉嘉李寶所破入武關據藍田復爲馮異所敗遂走南陽又爲耿弇所敗走東陽又爲朱祐祭遵等所破至此禹復破之五年遂與田戎俱降公孫述考岑始末由關西至關東與秦豐合兵轉在漢東又田戎降蜀泝江而上岑之降路亦必出於此不得復奔漢中也當云奔蜀中一統志東陽城在鄧州東州志蓋卽今之穰東鎮武當方輿紀要鄧城在

襄陽府東北二十里武當城今襄陽府均州治

高密昌安夷安渚子

一統志高密故城在萊州府高密縣西南夷安故城今

高密縣治昌安縣故城今青州府安邱縣治渚子故城

在安邱縣東北括地志東北三十里通志昌安城在安邱縣西南

十里

各使守一藝

袁宏紀各命通一經莊子天地篇多男子而授之職

永平元年薨

袁宏紀和熹皇后與叔父邠及諸兄語問祖父禹爲布

衣佐命時事邪說功成之後閉門自守事寡姊盡禮敬
訓子孫有法遺光武皇帝憂悲哀吐血因發病薨后未
嘗不歎息流涕言立德之苦乃至於斯也

注 其次侍祠侯其次下士

其次侍祠侯當有在大夫下四字衍其次下士亦誤據

續志可見

下士或當作下士
連下小國侯讀

皆稱中大人

岳珂程史神宗朝王襄敏韶幼子宗觀燈失所旬日有
中大人下宣旨抱窀出車按此蓋引用後漢語宋時未
必有此稱

訓注 寒疝病發

金匱要略腹滿惡寒邪正相搏卽爲寒疝繞臍若發則
白津出乎足厥冷

從都慮至羊腸倉

都慮蓋中都慮廐二縣屬太原郡方輿紀要慮廐城在
代州五臺縣治東北滹沱河在縣西南三十五里羊腸
坂在崞嵐州嵐縣東明統志羊腸山在太原府交城縣
東北一百里郡國志萬根行石磴縈委若羊腸後漢於
此立羊腸倉隋書崔頤傳從駕登太行山詔問頤曰何處有羊腸坂頤對曰臣按漢書地理志上黨壺關縣有羊腸坂帝曰不是又答曰臣按皇甫士安撰地書云太原北九十里有羊腸坂帝曰是也因謂牛

弘曰崔祖濬
問一知二

欲誅赤沙烏桓

疑是赤山烏桓傳言烏桓死者神靈歸赤山祭彤傳作
赤山烏桓明此誤

首施兩端

施讀如施易之施史記集解萬石張叔傳如瀆曰施讀曰移

招誘迷唐伯父號迷吾

按西羌傳號吾卽迷吾弟此處多一迷字又非伯父

掩擊迷唐於寫谷 注 東觀記寫作雁

顧炎武郡國利病書西寧衛下云雁谷在故臨羌縣西

西漢鄧訓掩擊羌迷唐處

明志作寫谷

乃去大小榆

水經注河水自西海郡東逕允州而歷大榆小榆谷北
羌迷唐鍾存所居也行都司志榆谷在金城西二百里
按在西寧府西南邊外

發湟中六千人

一統志湟河番名波洛沖克河在西寧邊外西北青海
之東源出噶爾藏嶺入西寧西川邊內爲西寧河又東
南三百餘里至莊浪衛降唐堡入大通河卽浩寧水在涼州府平番
縣西一百二十里自大通衛折流湟中城在西寧邊外
入東南經西大通堡又南合湟河

西北胡三省曰夾湟兩岸之地通謂之湟中

惲

東觀記惲字叔昭延平之初以國新遭大變故惲兄弟率常在中供養兩宮比上疏自陳愚聞糞朽幸得遭值明盛兄弟充列顯位並侍帷幄無拾遺一言之助以補萬分而久在禁省日月益長罪責日深惟陛下哀憐

弘

北堂書鈔東觀記曰弘字叔紀和熹后兄也奴辭繫長壽亭弘見亭長賞錢五千勵之曰健直當然又殿本東觀記曰異日奴復與宮中衛士忿爭衛士箠奴弘聞又

與衛士五千弘奴恤故舊無所失父所厚同郡郎中王
臨年老貧乏弘常居業給足乞與衣裳輿馬施之終竟

閻

初學記東觀記曰閻字季昭遷黃門侍郎於時國家每
有災異水旱閻側身暴露憂懼悴形顏於色公卿以
下咸高尚焉漢興以來爲外戚儀表又北堂書鈔東觀
記曰閻拜侍中入侍左右忠言善謀先納聖善匡輔之
言朝夕獻納雖得於上身在親近不敢自恃兢兢之心
彌篤固也按劉駒駘等於鄧后時著作東觀故臨之兄
弟皆得美傳觀其虛辭知非實錄

傳陶上蔡侯

一統志上蔡故城在汝寧府上蔡縣西寰宇記在今縣

西南十里

葉侯

一統志葉縣故城在南陽府葉縣南縣志舊縣廢在縣

南三十里

西平侯

舊統志西平故城在汝寧府西平縣西北四十五里

西華侯

一統志西華故城在陳州府西華縣南隋改縣於潁水

北長平縣界

冬徵隲班師

黃伯思東觀餘論近歲關右人發地得古甕中有東漢時竹簡永初二年討羌符與范紀書永初元年夏羌叛遣隲討之二年冬始召還而隲傳云云冬召隲班師据紀討羌在元年夏召隲在二年冬漢簡亦有二年之文正與紀合而傳之元年召還班師者誤也按此傳乃脫二年字於冬上耳

時遭元二之災

章懷注云元二卽元元也趙明誠金石錄曰楊孟文石

門碑漢威宗建初二年立其文有日中遭元二橋梁斷
絕若讀爲元元則不成文理疑當時自有此語漢注未
必然也洪适隸釋曰按漢刻如北海相景君及李翊夫
人碑之類凡重文皆以小二字贅與下此碑有蒸二明
二蕩二世二勤二亦不再出一字然非若元二遂書爲
大二字也又孔忱碑云遭元二輒軻人民相食若作元
元則下文不應又言人民渙注之非明矣王充論衡云
須頌今上嗣位元二之間嘉德布流三年零陵生芝草
五本四年甘露降五縣並謂章帝論衡所云元二者謂卽位
之元年二年則此傳所云元二亦謂元年二年也碑所

云西戎虐殘橋梁斷絕正是鄧騭出師時則史傳碑碣皆與論衡合愚按論衡之元二則元年二年無疑矣然爲陳忠傳云自帝卽位以後頻遭元二之厄百姓流亡盜賊並起時在鄧后已崩之後不可謂永初之元年二年也范史蓋有駁誤而洪氏之說實亦未盡章懷云或說陽九百六者當近之陽九百六在入元之終或復元之初畢憲曾曰元二乃无妄之訛京房周易章句无妄大旱之卦萬物皆死無所復望按如永傳亦云遭无妄之卦運

並宿幸其第

通典開元禮皇后奔父母之喪未卽還官諸鹵簿仗衛

及六宮以下應還者先還其留者與后依時哭臨

弘少治歐陽尚書

東觀記師事劉述常在師門布衣徒行講誦孜孜不輟
白蓋雙騎

續志千石以上阜繒覆蓋三百石以阜布蓋二百石以
下白布蓋又騎吏千石以下至三百石縣長二人此白
蓋雙騎庶士之禮

珍爲陽安侯

按京子于夷安侯珍爲從祖不應同名袁宏紀又云封
京子寶爲安陽侯一統志陽安故城在汝寧府確山縣

東

謀立平原王得

按平原懷王勝傳無子立樂安王寵子得爲平原王奉
勝後立六年薨永寧元年又立河間王開子都鄉侯翼
爲平原嗣安帝廢之河間孝王開傳亦云譖鄧騭及翼
則是太后在日得已前薨此處本文與注不追述太后
臨朝時意於考據疏

河南尹豹

北堂書鈔東觀記曰鄧豹字伯庠遷大匠工無虛張之
繕徒無飢寒之色御覽二百五十二李邵別傳曰豹爲將作

大匠河南尹缺豹欲得之上及隲兄弟亦欲用難使召
拜下詔令公卿舉隲以旨遣人諷公卿悉舉豹李邵曰
司隸河南尹當整頓京師檢御貴戚今反使親家爲之
必不可爲後法公舉司隸羊祜不舉豹豹竟不得尹恨
公卿不舉對士大夫曰李公能不舉我故不尹耶按文
當云

今我終不
得尹耶

按此云河南尹豹則豹竟得之也

擢朱寵爲太尉

袁宏紀寵爲潁川太守每出行縣使文學祭酒佩經書
前驅頓止亭傳輒復教授周旋阡陌勸課農桑吏安其
教民愛其禮自爲宰相數抗直言藝文類聚謝承書朱

寵爲太尉家貧食脫粟飯臥布被朝廷賜錦被梁肉皆不敢當

寇恂傳上谷

一統志沮陽故城在宣化府懷來縣南漢上谷郡治括地志上谷故城在懷戎縣東北百二十里漢沮陽縣也
拔起

注云拔猝也按廣雅撲猝也字當爲撲禮記少儀毋拔來注拔疾也與此義同

漁陽

一統志漁陽故城在順天府密雲縣西南三十里

度鞏河攻温

方輿紀要五社津在河南鞏縣北大河東過鞏北謂之鞏河有五社渡又名五度津温故城在今懷慶府温縣西南三十里黃河在縣南二十里自孟縣流入界與鞏縣接境

復拜潁川太守

東觀記郡大生旅豆同相收得一萬餘斛以給諸營

兩虎安得私鬪

秦策兩虎相鬪而駑犬受其弊商子戰法王兵之政使民怯於邑鬪而勇寇戰

從九卿復出以憂國可知也

御覽引釋名漢置十二卿執金吾大長秋將作大匠在

其列章昭辨之曰漢正卿九執金吾爲外卿不見九卿

之列也山堂考索

後集

按前書百官表太常至執金吾秩

皆中二千石又毋將隆傳隆遷執金吾上詔曰隆位九卿無以匡朝廷之不逮則執金吾亦得通稱九卿也

浚侯

一統志浚縣故城在鳳陽府靈璧縣南五十里縣志今

爲濠城集

損扶柳侯

損水經注作揖徙封在建武十三年冀州志扶柳故城
在州西南六十里俗訛爲蒲笠城

榮質确其過

毛傳獄确也音義盧植云相質殼爭訟者也崔云确者
确正義之字當爲确說文确礮石也非此義

廢於王命

於當爲干

公劉敦行葦世稱其仁

按毛詩不言公劉惠棟曰漢儒皆以行葦爲公劉之遺
德及行葦之不傷王符云公劉厚德恩及草木羊牛六

畜按潛夫論邊議云云公劉仁德廣趙睦云公劉慈仁

被行葦忠所引者乃德化篇語

行不履生草運車以避葦葦趙從薛漢受學當是韓詩也愚攷列女辯通傳弓人之妻亦云公劉之行羊牛踐葦葦惻然爲民痛之則不獨韓詩說如是也

勇者不逃死智者不重困

晉語二智不重困勇不逃死

馮異傳潁川父城人

父城故城在今汝州寶豐縣西北前志潁川有父城縣沛郡有城父縣續志山桑有下城父城又左傳若大城城父而寘太子焉杜預注今襄城城父縣卽此注所云

汝州邾城縣之父城也當作城父與潁川父城異

巾車鄉

一統志巾車鄉在汝州寶豐縣東

饒陽無萑亭

明統志蕪萑亭在深州城外滹沱之濱今隸晉州饒陽縣界按元和志蕪萑亭在饒陽縣東北四十五里

異上豆粥

陶穀清異錄至今西北州縣有號粥爲滹沱飯

復進麥飯菟肩

北堂書鈔東觀記云上至邯鄲趙王庶兄胡前卷作胡字進

後漢書地理志卷一
三
狗牒馬醢一統志麥飯亭在冀州南宮縣境

注 北平今易州永樂縣

舊唐志蒲城漢北平縣地天寶元年改永樂縣爲蒲城

亦作滿城今保定府滿城縣

明鏡所以照形往事所以知今

大戴保傅篇明鏡者所以察形也往古者所以知今也

注 言軼與更始疏遠獨居一隅理難支久

按正文言更始在長安縱可扶助然光武宗室比軼爲親近亦不令軼獨據一隅言今更始必敗亡天下當歸光武顧炎武謂軼於更始爲親近之臣當在朝秉政豈

得居此一隅者非也然此正文實譽澁不詞范曄與陳壽文理多如此

北攻天井關

宋史地理志澤州雄定關舊名天井靖康元年改名方輿紀要天井關在澤州南四十五里當太行絕頂其南卽羊腸坂道

士鄉下

方輿紀要士鄉聚在故洛城東

故洛陽城在河南府東北二十里

攻平陰以綴異

水經注平陰卽晉之陰地故陰戎所居魏文帝改曰河

陰縣通典漢平陰縣城在今洛陽北五十里按馮異鎮孟津平陰卽古孟津地故云攻平陰以綴異也方輿紀要平陰城在今河南府孟津縣東一里

召異詣鄗問四方動靜異曰三王反畔更始敗亡

按光武以六月己未卽位於鄗召異詣鄗應卽其時而鄧禹以甲子破王匡等匡等遂欲以立秋日劫更始異詣鄗時三王未反更始未亡爲此言者蓋逆知匡等心離更始決亡以堅光武卽位之志耳通鑑考異據本紀異破蘇茂諸將上尊號光武還至薊皆在四月前謂馮異安得於是時已言之蓋未審召異詣鄗之文也

陽夏侯

一統志陽夏故城卽今陳州府太康縣治

回谿阪

方輿紀要回溪在河南府永寧縣北六十里通典自漢以前春秋時道皆由此縣酈道元注水經云漢建安間曹操西討巴漢惡南路之險更開北道

變服與赤眉同伏於道側

六韜奇兵篇謬號令以與敵同服者所以備走北也

大破於嶠底

按文少一之字元和志東嶠至西嶠三十五里在秦關

之東漢關之西通典崤山在永寧縣西北方輿紀要崤
底在縣西北七十里一名澗池有崤底關

駱蓋延

王鳴盛曰駱蓋延當是駱延傳寫誤衍

岑遂自武關走南陽

方輿紀要武關在陝西商州東一百八十里

明志與鄧州內鄉縣

接界輿程記自武關西北行五十里桃花舖又八十里至
白羊店子又八十里至麻澗又百里至新店子又百里
而至藍田縣皆行山中至藍田始出險就平云

追戰於箕谷

方輿紀要箕谷在鳳翔府寶雞縣東南四十里按此谷

通漢中卽古石門路輿地紀勝箕山在興元府褒城縣

北十五里顧祖禹曰或云箕山之谷亦謂之箕谷谷口

有石如門曰石門廣二步深八步高一丈相傳蜀五丁所鑿漢高

通之以避子午之險

注 新序曰管子上壽曰願君無忘出奔於莒也臣無忘

束縛於魯

按管子小稱呂覽直諫俱作桓公謂鮑叔曰何不起爲
壽鮑叔奉杯而進云云新序雜事亦云鮑叔奉杯而起
此所引非本文

注 郭景純曰謂慣怙復爲之也

按爾雅注云狃伏復爲一切經音義引郭云狃伏復爲
也不作慣

悉畔隗囂降異

北堂書鈔東觀記云朱敷上略曰隗囂畔亂殺戮官吏
惟狄道爲國固守然民饑饉啖弩煮履宜救倒懸之急
進軍義渠

一統志義渠故城在慶陽府寧州西北

長子彰嗣

水經注作璋

東縉侯

一統志東緡故城在兗州府金鄉縣東北二十里

平鄉侯

一統志平鄉故城在順德府平鄉縣西北

橫被四表

樂記注橫充也與光同釋言作枕

將及景風章敘舊德

初學記京房易占曰夏至離王景風用事人君當爵有德封有功

岑彭傳歸德侯

元和志漢歸德縣今慶州府洛源縣是岑彭爲歸德侯

謂此地也方輿紀要歸德城在慶陽府東北百里

立威王張卬與將軍徭偉鎮淮陽

據劉聖公傳爲淮陽王故云鎮淮陽

歆迫急迎降

袁宏紀王至河內太守韓歆謀將城守修

原本訛作備

武人

衛文多奇計馮異素知之異言於王使衛文說歆令降
岑彭亦勸歆遂從之

淇園

方輿紀要淇園在衛輝府淇縣西北地名禮河社

拜彭爲刺姦大將軍

按文當云爲大將軍刺姦時光武爲大將軍彭爲其刺姦范氏不曉官制妄改

黎丘

一統志黎邱在襄陽府宜城縣北

注 中沮廬

按中廬縣多一沮字

堵鄉 杏

方輿紀要堵陽縣在裕州東六里亦曰堵鄉水經注堵水南逕小堵鄉爲小堵水按杏聚當在今南陽府桐柏

縣

黃郵

明志鄧州新野縣東有黃郵聚水經注其聚落悉爲蠻居猶名之爲黃郵蠻

西擊山都

方輿紀要山都故城在襄陽府西北八十里

阿頭山

一統志阿頭山在襄陽府西九里

宜城

方輿紀要宜城在襄陽府宜城縣西南九里劉宋築宜城大隄改置華山縣西而故城遂廢

妻兄辛臣

按公孫述傳秦豐以女妻田戎而此復有妻兄辛臣蓋別娶也

江州

江州今重慶府巴縣疑馮駿此時未能越巴峽也當江關之誤卽捍關也在宜昌府長陽縣西

紀要縣西七十里

又夔

州城東八里瞿唐關亦名江關續志或云扞關蓋江關扞關夷陵及夔互受通稱矣

屯津鄉

注以爲縣名非也續志南郡江陵有津鄉左傳莊十九

年楚子大敗於津是也水經注燕尾洲始自枚迴洲長七十餘里洲上有奉城故江津長所治舊主度州郡貢於洛陽因謂之奉城亦曰江津戍也戍南對馬頭岸北對大岸謂之江津口方輿紀要津鄉在荊州府枝江縣西三里

裴直進樓船冒突露橈

越絕闔廬見子胥敢問船軍之備如何對曰船名大翼小翼突冒樓船橋船令船軍之教比陵軍之法乃可用之大翼者當陵軍之重車小翼者當陵軍之輕車突冒者當陵軍之衝車樓船者當陵軍之行樓車橋船者當

陵軍之輕足驃騎也通典水戰云樓船船上建樓三重
列女牆戰格樹幡幟開弩牕矛穴置拋上礮石鐵汁狀
如城壘蒙衝以生牛人蒙船覆背兩廂開掣棹孔前後
左右有弩有矛穴此冒突露橈卽蒙衝開孔掣棹者也
梁書裴邃傳魏人爲長橋斷淮以濟邃築壘逼橋密作
沒突艦會甚雨淮水暴溢邃乘艦經造橋側沒突卽冒
突也

注 爾雅曰橈謂之橈音饒

文見揚雄方言非爾雅淮南主術訓七尺之橈制船之
左右注橈刺船棹也橈讀煩饒之饒與方言注音如窠

反者不同

逆流而上直衝浮橋而攢柱鉤不得去

墨翟魯問篇楚人與越人舟戰於江越人迎流而進順流而退見利進見不利則其退速越人因此敗楚人公輸子始爲舟戰之器作爲鈎強之備退者鈎之進者強之御覽引楚人因此敗越人之強作拒

墊江

元和志合州石鏡縣本漢墊江縣岑彭自江州縣從涪水上至墊江是也

平曲

方輿紀要平曲城在重慶府定遠縣西蓋在涪水濱以
波平水曲爲名也或曰平曲在潼川州今爲射洪縣東
界

注 墊江縣名屬巴郡今忠州縣

按舊唐志忠州隋巴東郡之臨江縣又合州隋涪陵郡

石鏡縣漢墊江

隋志涪陵郡西魏置合州石鏡縣漢曰墊江

宋白續通典忠

州墊江縣本後漢臨江縣地後魏恭帝分臨江置墊江
合州石鏡縣本漢墊江縣凡合州管下諸縣皆漢墊江
地也然則忠州之墊江非岑彭直指之墊江矣一統志
漢墊江縣在今合州

廣漢 資中

一統志廣漢故城在潼川府遂寧縣東北紀要射洪縣東南百里

輿地紀勝在鹽亭縣東北十五里資中故城在今資州資陽縣北

拒黃石

明志涪州今屬重慶府大江在北自州而東中有黃石灘亦

曰橫石亦曰石梁方輿紀要橫石灘在涪州西大江中水經注江水自涪陵東出百里而屆於黃石今黃石在涪陵西據岑彭傳長驅入江關至江州留馮駿攻圍自引兵直指墊江述別遣侯丹拒黃石彭乃自墊江還江

州泝都江而上襲擊侯丹則黃石應在重慶府江津壁
山以上在涪州明矣

自分兵浮江下還江州

水經注巴郡江州縣對二水口右則涪內水左則蜀外
水方輿紀要都江外水岷江之通稱也雒江亦曰郫江
亦曰牛鞞水亦曰資江爲中江至瀘州城東而合於大
江涪江亦謂之綿水

歷綿州城東

又東南入潼川州又東南

入重慶南至合州城東南與嘉陵江合東入岷江所謂

內水也通鑑晉安帝義熙四年劉敬宣伐蜀

譙縱

旣入峽

遣巴東太守溫祚以二千人出外水自帥益州刺史鮑

陋輔國將軍文處茂等由墊江轉戰而前

胡三省曰此由內水而進

也

軍至黃虎

黃虎城在潼川府射洪縣界

去成都五百里譙道福悉

眾拒險相持六十餘日敬宣不得進食盡引軍還八年

十二月以朱齡石爲益州刺史帥寧朔將軍臧熹等伐

蜀劉裕與齡石謀進取曰劉敬宣往年出黃虎無功而

還賊謂我今應從外往而料我出其不意猶從內水來

也如此必以重兵守涪城以備內道若向黃虎正墮其

計今以大眾自外水取成都疑兵出口水此制敵之奇

也九年六月齡石等至白帝發函書曰眾軍悉從外水

取成都臧熹從中水取廣漢老弱乘高艦十餘從內水

向黃虎

水經注洛水出洛縣章山南逕新都縣與綿水合又與湔水合亦謂之郫江又逕犍爲牛鞞水

又東逕資中縣謂之綿水綿水至江陽縣方山下入江謂之綿水口日中水卽漢志所云湔水至江陽也洛縣

今漢州牛鞞縣今簡州江陽敘州府富順縣及瀘州江

安縣地一統志中江在資州南自成都府簡州流入資

陽縣又東南逕州南及內江縣又東南入敘州府富

順縣東門外又東逕隆昌縣西南界至瀘州合大江於

是諸軍倍道兼行譙縱果命譙道福將重兵鎮涪城以

備內水按岑彭始指墊江卽劉敬宣入蜀之道述以重

兵備內水故反從外水進兵亦與朱齡石同但彭一時

應變倏忽尤爲神奇耳

注 都江成都江也

一統志郫江在成都縣北自灌縣分大江東流經郫縣

北又東入成都縣界繞城北而南與錦江合舊統志名爲二江亦曰都江括地志郫江一名成都江元和志都江水在犀浦縣北四里據此只就成都一城而言故得都江之名非岑彭所泝也岑彭所泝自是大江已詳見上

彭所營地名彭亡

元和志眉州彭山縣彭亡城亦曰平無城彭祖家於此而死故曰彭亡初岑彭至其地改曰平無若言巴蜀已平無復賊也一統志彭亡山在彭山縣東北亦曰彭模又名平模按朱書朱齡石傳譙縱遣其前將軍侯輝等

率眾萬餘屯彭模夾水爲城也汝江通鑑作平模

爲立廟武陽

一統志岑彭廟在彭山縣治北

細陽侯

一統志細陽故城在潁州府太和縣東

穀陽侯

一統志穀陽故城在鳳陽府靈璧縣西南

遷魏郡太守

藝文類聚引東觀記北堂書鈔引華嶠書俱作東郡

賈復羽山傳

一統志禹山在鄧州西南六十里禹羽同聲疑卽羽山而安守所保所保得無不可保乎

文子自然篇安所以爲安者乃所以爲危也

署復破虜將軍督盜賊

按光武以破虜將軍

當有大字

行大司馬事故署復爲督盜

賊亦如太守府有門下督盜賊通鑑直云以復爲破虜

將軍誤矣袁宏紀署復爲都督蓋漢魏以來領兵將軍

帳下有護軍有都督呂範請於孫策曰願暫領都督佐

將軍部分是也光武以朱祐爲護軍而稱復曰賈督實

始於此

被羽先登

晉語卻叔虎被羽先升韋昭注繫於背若今將軍負毳矣按吳志甘寧傳負毳帶鈴

與五校戰於真定

元和志定州唐縣北九里有寡婦城後漢賈復追銅馬五幡於此語訛轉呼爲寡婦

郁秩壯武下密

水經注拒縣故城西王莽之郁秩國也按郁秩本膠東國縣非王莽所改方輿紀要拒城在高密縣南三十里舊志拒城在膠州西南九十里郁秩縣又當在其西矣

壯武城在卽墨縣西六十里下密城在濰縣西三十里
通志下密城在平度州西五十里

挺胡觀陽

前志止作挺無胡字一統志挺縣故城在登州府萊陽
縣南七里觀陽故城在萊陽縣東南七十里觀山之陽
通志在縣東三十里

轉相監司

周禮師氏注司猶察也白居易集其詩多讀司爲廝本
此義

吳漢
傳 安樂令

一統志安樂故城在順天府順義縣西

無終

一統志無終故城今薊州治舊志皆以今玉田縣爲古無終今考玉田乃唐初析置之無終非漢縣也

故不自疑躬旣而率其兵數萬還屯於鄴

按屯鄴者卽謝躬也躬字當在旣而下袁宏紀躬勤於吏事所在理冤結決詞訟上常稱之曰謝尙書眞吏也躬由此不自疑

射犬

一統志射犬城在懷慶府河內縣東北

隆慮山

一統志隆慮山在彰德府林縣西二十里

昌成

一統志昌成故城在冀州西北永平初改爲阜城縣

軹西

一統志軹縣故城在懷慶府濟源縣南十三里

黃頭吳河等

枚乘傳遺羽林黃頭循江而下按吳河人姓名

東郡箕山

一統志箕山在曹州府濮州東五十里俗訛爲許由讓

位避居處

鬲縣

方輿紀要鬲縣城在濟南府德平縣東十里

無鹽

按上云擊賊平原下云進擊勃海迤邐至東北中間不得云至東平之無鹽也當是無棣之誤元和志滄州鹽山縣本齊無棣邑

漁濟津

寰宇記魚鳧津在眉州彭山縣東北二里一名彭女津在彭亡山南居導江阜江等水會處按南中八郡志云

犍爲有魚鳧津數百步卽此魚涪津耳方輿紀要鳧山在彭山縣東北二里或曰卽魚涪津一統志魚涪津在嘉定府夾江縣西三里

因入犍爲界

今嘉定府敘州府及眉瀘資三州皆漢犍爲郡地上云吳漢圍武陽武陽卽是犍爲郡治蓋前漢郡治犍道縣此入犍爲界乃指郡治言之犍道故城今敘州府宜賓縣治

廣都

漢廣都故城在成都府華陽縣東南

阻江北爲營

此卽成都二江也舊統志大江經灌縣西三十三里

灌縣

在成都府西北一百二十五里

分爲二派其一東南經崇慶州至新津

者今謂之南江

按此卽大江正流

其一東循灌縣城者今謂之

北江卽禹貢江沱也北江又分爲三派其一東南經溫

江

在府西南五十里過府城南入新津

在府西南九十里

合大江者爲

流江其一自灌縣寶瓶口直東入五斗口東北經新繁

縣過府城北折而南合流江者謂之郫江其一自寶瓶

口東北穿三泊洞又東北經新繁新都至漢州入雒者

爲瀕水

按水經注瀕水自灌縣以上已入江此蓋後人所分支江一股襲舊名

臨事勃亂

荀子修身篇不由禮則勃提優

漢性疆力

六韜奇兵篇將不疆力則三軍失其職

慎毋赦而已

管子法法篇上赦小過則民多重罪故赦者奔馬之委

轡毋赦者痊睢

經云睢恐
疽字也

之礪石也

封建信侯

方輿紀要建信城在青州府高苑縣西北二十五里

蓋延 傳 要陽人也

方輿紀要陽廢縣在順天府密雲縣東南一統志後
魏時置於此古北口關在密雲縣東北一百二十里漢
縣在古北口外承德州西今爲古白檀城西北

署營尉

別於縣尉也續志本有障塞尉

安平侯

一統志安平故城今深州安平縣治

襄邑

一統志襄邑故城在今歸德府睢州西一里

進取麻鄉

兩漢志俱無麻鄉縣注誤也寰宇記單州碭山縣有故麻城漢爲麻鄉今故城在縣西北按今徐州府碭山縣西北有麻城集

扶陽杼秋蕭

一統志扶陽故城在徐州府蕭縣西南寰宇記西南五十里杼秋故城在碭山縣東六十里

平敵將軍龐萌

劉永傳作平

陳俊傳注 陰安城是也

舊唐志頓丘漢縣後移治所於陰安城大曆七年又於

頓丘縣置澶州隋志頓丘舊有陰安縣

新處侯

一統志新處故城在定州東北後漢尋廢

金門白馬賊

明統志金門山在河南府永寧縣西南三十里一名律管山水經注白馬谿水出宜陽山澗有大石厥狀如馬故名又東北流注於洛舊志白馬水在永寧縣東十餘里

羸下

明統志羸城在泰安州界

祝阿侯

通志祝阿城在濟南府長清縣東北三十里

寰宇記東北四十五里

城宮 沮陽酈

沮陽當爲滎陽與酈皆屬南陽郡

鍾武竹里

明志河南信陽州東南有鍾武廢縣又湖廣黃州府麻城縣北有故竹敦城

將兵至中廬屯駱越

蓋卽祖中地吳志注襄陽記曰祖中在上黃界

晉上黃故城在

襄陽府內漳縣
東南五十里
去襄陽一百五十里
魏時夷王梅敷兄

第三人部曲萬餘家屯此
分布在中廬宜城西山鄆沔
二谷中
土地平敞宜桑麻
有水陸良田
謂之粗中
一統志八疊山在南漳縣西南六十里一名粗山

別至垂鵲山通道出秭歸

一統志老雅山在南漳縣南七十里險峻幽深人跡罕
至薛應旗宋元通鑑咸淳八年元翟招討將軍由老雅
山徇荆南與垂鵲山蓋皆荆山支阜

盛兵於沅水

沅當爲沈方輿紀要沈水在瀘川州射洪縣東南八十

里

軍至平陽鄉

方輿紀要在潼川州西北酈道元曰平陽鄉蓋在故綿竹境內今由州境抵故綿竹不遠百里

一統志綿州東南至潼川府五

臺縣界
七十里

進拔綿竹破涪城

一統志涪城故城在綿州東舊志今州東五里

繁郛

成都府志繁城在今新繁縣北二十里故郛城在郛縣北五里

咸門

方輿紀要周地圖記漢元鼎二年大城立九門少城立九門故有十八郭門之稱咸門北面東頭門也

疆者怨之歸也

以上語見黃石公上略彼作弱者人之所助强者人之所攻

殘滅之政雖成必敗

以上語見黃石公下略雖成必敗彼作累世受患

贊注 戰國策曰廉頗爲人勇鷙而愛士白起視瞻不轉者執志疆也

後漢書疏證卷一
姚寬戰國策後序云卽正文遺逸引戰國策者後漢第
八贊一事卽此注所引廉頗白起也

後漢書疏證卷一